



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

36. De quodam dubio circa eleemosynas.

urn:nbn:de:hbz:466:1-40916

sitares, ut eis succurrat, aliter non satisfacit praecepto. Superfluum autem magis inuenitur in Ecclesiasticis personis, qui, cum non habeant filias, & filios, non ita indigent, ac sacerdotes, & cum ipsorum etiam vietus, & vestitus maiorem requirat modum, & modestiam.

De quodam dubio circa Eleemosynam.

C A P V T X'XXXVI.

CVm certum sit, cum, qui est in necessitate extrema, posse accipere ab alio, & rapere, qua sibi sunt necessaria, dubium est, an huiusmodi homo teneatur ad restitucionem, si ad pinguiorem venerit fortunam. In quo dubio sunt variae Doctorum sententiæ. Quidam putant eum non teneri, vt Scot. 4. dist. 15 q. 2. & Gabr. ibid. & Sot. 4. lib. de iust. quæst. 7. art. 1. Alij vero tenent eum obligari, vt Nauar. capit. 17. summ. num. 60. & Adrian. in mater. de restit. in peculiari quæstione de hoc. Medina verò C. de pœnit. tract. 5. de Elcemosyna, tenet medium sententiam. Cum enim accepit de superfluo alterius, non tenetur restituere: cum verò accepit de non superfluo, tenetur. Aduerteret autem, quod prædicti Doctores in multis conueniunt; in uno autem est discrepantia. Conueniunt quidem in eo, quod dicit Scot. quod si quis, ante necessitatem extream, accepit aliquid ab altero, ratione cuius acceptio nis tenebatur restituere, & postea incurrat extream necessitatem, & vratur illo, quod accepit, non ob id soluitur ab obligatione restitutionis, si ad pingueum venerit fortunam. Rursus conueniunt, vt dicit Soto, cum aliquis parit in loco extream necessitatem, in altero tamen habet, vnde possit succurrere suæ necessitatibus; tunc quod accipit, tenetur reddere; vt, si mercator aliquis diues comprehendatur in loco, vbi nullus habet pecunias, ita vt inimici velint eum occidere, nisi det centum aureos, tunc iste potest illos accipere ab alio, tamen tenetur reddere, cum in suo est loco.

Rursus tertio conueniunt, quando aliquis verè habet aliquid pecunia appetibile, tamen non sufficiens, nec utile illi ad suam necessitatem; vt, si habens domos, & vineas, indigeat pecunia aliqua extrema, quam inuenire non potest; tunc, si accipiat, & rapiat, tenetur reddere postea. Rursus etiam conue-